



নির্বাচন অগ্রাধিকার
অতীব জরুরী

বাংলাদেশ নির্বাচন কমিশন
নির্বাচন কমিশন সচিবালয়

নং-১৭.০০.০০০০.০৩৪.৩৭.০১২.১৯-৪০০

তারিখ: ১৫ আশ্বিন ১৪২৬
৩০ সেপ্টেম্বর ২০১৯

ইলেক্ট্রনিক ভোটিং মেশিনে ভোটগ্রহণ বিষয়ক বিশেষ পরিপত্র

বিষয় : একাদশ জাতীয় সংসদের ২১ রংপুর-৩ শূন্য আসনে নির্বাচনে সকল ভোটকেন্দ্রে ইলেক্ট্রনিক ভোটিং মেশিন (ইভিএম) এর মাধ্যমে ভোট গ্রহণ।

উপর্যুক্ত বিষয়ে আদিষ্ট হয়ে জানানো যাচ্ছে যে, আগামী ০৫ অক্টোবর, ২০১৯ তারিখে অনুষ্ঠিতব্য একাদশ জাতীয় সংসদের ২১ রংপুর-৩ শূন্য আসনে নির্বাচনে নির্ধারিত ভোটকেন্দ্রে ইলেক্ট্রনিক ভোটিং মেশিন (ইভিএম) এর মাধ্যমে ভোটগ্রহণের জন্য নির্বাচন কমিশন সিদ্ধান্ত গ্রহণ করেছেন। কেন্দ্রসমূহে ভোট গ্রহণ, প্রশিক্ষণ ও প্রদর্শন (ভোটার এডুকেশন) এর জন্য প্রয়োজনীয় সংখ্যক ইলেক্ট্রনিক ভোটিং মেশিন (ইভিএম) কাস্টমাইজেশনসহ নির্বাচন উপযোগী করে নির্বাচন কমিশন হতে যথাসময়ে রিটার্নিং অফিসারের নিকট প্রেরণ করা হয়েছে।

০২। **ইভিএম ব্যবহার পদ্ধতি সম্পর্কে প্রার্থী এবং ভোটারদের মধ্যে ব্যাপক প্রচার:** ইভিএম ব্যবহার যেহেতু একটি কারিগরী বিষয় এবং নতুন ধারণা, তাই এর ব্যবহার, কার্যকারিতা এবং সফলতা সম্পর্কে সকল প্রতিদ্বন্দ্বী প্রার্থী তাদের নির্বাচনী এজেন্ট, পোলিং এজেন্ট এবং ভোটারদের মধ্যে প্রচারের ব্যবস্থা করতে হবে। ভোটগ্রহণ কর্মকর্তা অর্থাৎ প্রিজাইডিং অফিসার, সহকারী প্রিজাইডিং অফিসার ও পোলিং অফিসারদের সুবিধার্থে ইভিএম ব্যবহার পদ্ধতি বিষয়ক একটি নির্দেশিকার প্রয়োজনীয় সংখ্যক কপি প্রেরণেরও ব্যবস্থা করা হয়েছে।

০৩। **নিরাপত্তা সহকারে ইভিএম এর পরিবহন, সংরক্ষণ ও কার্যকারিতা যাচাই করা:** ইভিএমসমূহ ইলেক্ট্রনিক ডিভাইস। উক্ত মেশিনসমূহ সারিবদ্ধভাবে রেখে যথাযথ নিরাপত্তার সাথে পরিবহন করতে হবে। ভোটগ্রহণের পূর্বের দিন অন্যান্য নির্বাচনি মালামাল সহকারে ইভিএমসমূহ প্রিজাইডিং অফিসারকে বুঝিয়ে দিতে হবে এবং প্রিজাইডিং অফিসারগণ ভোটকেন্দ্রে গিয়ে সহকারী প্রিজাইডিং অফিসারসহ অবশ্যই ইভিএমসমূহের কার্যকারিতা ও সঠিকতা যাচাই করবেন। কোনরূপ ত্রুটি-বিচ্যুতি পাওয়া গেলে তাৎক্ষণিকভাবে প্রিজাইডিং অফিসার রিটার্নিং অফিসারকে অবহিত করবেন। রিটার্নিং অফিসার আঞ্চলিক কন্ট্রোল রুমকে অবহিত করে ত্রুটি-বিচ্যুতি সংশোধন অথবা প্রতিস্থাপনের ব্যবস্থা গ্রহণ করবেন।

০৪। **কারিগরী দলের গঠন :** প্রতিটি ভোটকেন্দ্রে নির্বাচন কমিশনের পক্ষে ২ জন সশস্ত্র বাহিনীর সদস্যসহ মোট ৩ জন কারিগরী সদস্য সহযোগিতা প্রদান করবেন। এজন্য রিটার্নিং অফিসার, তাদেরকে প্রয়োজনীয় লজিস্টিক সাপোর্ট প্রদান করবেন। সামরিক বাহিনীর সদস্যদের এবং কারিগরী দলের অপরাপর সদস্যদের বহনকারী যানবাহন সমূহ প্রাপ্যতার ভিত্তিতে স্ব স্ব ডিভিশন হতে যোগান দেয়া হবে এবং অপ্রতুলতার ক্ষেত্রে রিটার্নিং অফিসার প্রয়োজনীয় সংখ্যক যানবাহন (যথাযোগ্য ও রিকুইজিশনের মাধ্যমে) যোগানের ব্যবস্থা করবেন। প্রিজাইডিং অফিসার ভোটগ্রহণের জন্য ভোটকেন্দ্র ও ভোটকক্ষ প্রস্তুত করবেন। ভোটগ্রহণ চলাকালে ইভিএম মেশিনের কোন সমস্যা দেখা দিলে বা মেশিন প্রতিস্থাপনের প্রয়োজন হলে নির্বাচন কমিশনের নিযুক্ত কারিগরী সদস্যগণ তা সচল করা বা প্রতিস্থাপনের ব্যবস্থা করবেন। ভোটকেন্দ্রের অভ্যন্তরে নিয়োজিত কারিগরী সদস্যগণ মোবাইল টিম/কন্ট্রোল রুমের সাথে সার্বক্ষণিক যোগাযোগ রাখার নিমিত্তে মোবাইল ফোন বহন ও ব্যবহার করতে পারবেন।

০৫। **রিজার্ভ টেকনিক্যাল টিম :** নির্বাচন কমিশন হতে প্রেরিত সমন্বয়কারী কর্মকর্তা / ডাটা এন্ট্রি অপারেটর / টেকনিক্যাল এক্সপার্ট / টেকনিক্যাল সাপোর্ট সদস্যগণের সমন্বয়ে গঠিত একটি রিজার্ভ টেকনিক্যাল টিম সংশ্লিষ্ট সহকারী রিটার্নিং অফিসার/ উপজেলা নির্বাচন অফিসে অবস্থান করবেন। ভোট গ্রহণের দিন বিভিন্ন ভোট কেন্দ্রে ইভিএম এর কারিগরী সমস্যা পূর্বোক্ত কারিগরী সদস্যগণ কর্তৃক সমাধানে অসমর্থ হলে তা নিরসনে রিজার্ভ টেকনিক্যাল টিম প্রয়োজনীয় পদক্ষেপ গ্রহণ করবেন। সংশ্লিষ্ট রিটার্নিং অফিসার রিজার্ভ টেকনিক্যাল টিমের যানবাহন, জ্বালানী ও আনুষঙ্গিক লজিস্টিকস সহায়তা প্রদান করবেন।

০৬। **অতিরিক্ত অডিট ও পোলিং কার্ডের ব্যবহার :** সুষ্ঠুভাবে একাদশ জাতীয় সংসদের ২১ রংপুর-৩ শূন্য আসনে নির্বাচন সম্পন্ন করার উদ্দেশ্যে কেন্দ্রে ব্যবহৃত অডিট কার্ড ও পোলিং কার্ডের একটি সামগ্রিক ব্যাকআপ সহকারী রিটার্নিং অফিস/উপজেলা নির্বাচন অফিসে

অফিসের ঠিকানাঃ

নির্বাচন ভবন, প্লট নং-ই-১৪/জেড, আগারগাঁও, ঢাকা-১২০৭

যোগাযোগঃ

ফোন : +৮৮০-০২-৫৫০০৭৬০০ ফ্যাক্স : +৮৮০-০২-৫৫০০৭৫১৫

ই-মেইলঃ secretary@ecs.gov.bd ওয়েব এড্রেসঃ www.ecs.gov.bd

সংরক্ষিত থাকবে। জরুরী প্রয়োজনে সহকারী রিটার্নিং অফিসার/উপজেলা নির্বাচন অফিসার উক্ত ব্যাকআপ কার্ডসমূহ প্রিজাইডিং অফিসার/সহকারী প্রিজাইডিং অফিসারকে সরবরাহ করবেন। রিটার্নিং অফিসার/সহকারী রিটার্নিং অফিসার উক্ত ব্যাকআপ কার্ডসমূহ সংশ্লিষ্ট ভোট কক্ষের ইভিএমসমূহ সচল করার নিমিত্তে অথবা নতুন ইভিএম ব্যবহার উপযোগী করতে ব্যবহার করবেন এবং উক্ত কার্ডসমূহের সার্বিক নিরাপত্তা নিশ্চিত করবেন।

০৭। ডেমো ভোট গ্রহণ সংক্রান্ত : ভোটকেন্দ্রে ব্যবহারের জন্য সরবরাহকৃত ইভিএমসমূহ ভোটগ্রহণ শুরু হওয়ার পূর্বে ভোটকেন্দ্রে উপস্থিত প্রতিদ্বন্দ্বী প্রার্থী অথবা নির্বাচনী এজেন্ট অথবা পোলিং এজেন্টগণকে ডেমো ভোট গ্রহণ প্রদর্শন করতে হবে। ডেমো ভোট গ্রহণের প্রাক্কালে ইভিএমসমূহে প্রতিদ্বন্দ্বী প্রার্থীদের নাম (বর্ণানুক্রমিক) ও প্রতীক সঠিক আছে কিনা তাও দেখাতে হবে। এছাড়াও নিম্নলিখিত বিষয়াদি অনুসরণ করতে হবেঃ

ক) সহকারী প্রিজাইডিং অফিসার সকাল ০৮:৩০ মিনিটের পূর্বে ডেমো ভোট গ্রহণ শুরু করবেন। কন্ট্রোল ইউনিটের স্ক্রীনে “ভোট ১৫ মিনিটের মধ্যে শুরু হতে যাচ্ছে, ডেমো ভোট শেষ করে ফলাফল দেখুন এবং ভোটগ্রহণ সঠিক সময়ে শুরু করুন” এই ম্যাসেজটি (সকাল ০৮:৪৫ মিনিটে ম্যাসেজটি প্রদর্শিত হবে) স্ক্রীনে প্রদর্শিত না হওয়া পর্যন্ত ডেমো ভোটের প্রিন্ট নেয়া যাবে না। ডেমো ভোট গ্রহণ শেষ করার ম্যাসেজ স্ক্রীনে প্রদর্শিত হলে সাথে সাথে সহকারী প্রিজাইডিং অফিসার ম্যাসেজটি বন্ধ করে “ভোট শেষ” বাটনে চাপ দিয়ে ডেমো ভোটগ্রহণ বন্ধ করবেন। অতঃপর সহকারী প্রিজাইডিং অফিসার, প্রিজাইডিং অফিসারের কাছে রক্ষিত অডিট কার্ড প্রবেশ করিয়ে তার আঞ্জুলের ছাপ দেয়ার পর ডেমো ভোটের ফলাফল দেখে প্রিন্ট নিবেন এবং উপস্থিত সকল পোলিং এজেন্টের স্বাক্ষর নিয়ে নিজের কাছে সংরক্ষণ করবেন।

খ) সকাল ০৮:৪৫ হতে ০৯:০০ টা পর্যন্ত সহকারী প্রিজাইডিং অফিসার তার কক্ষে মূল ভোট গ্রহণের প্রস্তুতি নিবেন। ডেমো ভোটের ফলাফল প্রিন্ট করার পর “পুনরায় ভোট শুরু করুন” বোতামে চাপ দিতে হবে। সকাল ০৯:০০ টার পূর্ব পর্যন্ত “ডেমো ভোট” ও “ভোট শুরু” দুটি বোতামই নিষ্ক্রিয় থাকবে।

০৮। মক ভোটিং : সংশ্লিষ্ট একাদশ জাতীয় সংসদের ২১ রংপুর-৩ শূন্য আসনে ভোট গ্রহণের পূর্বে মক ভোটিং সম্পন্ন করতে হবে। একাদশ জাতীয় সংসদের ২১ রংপুর-৩ শূন্য আসনে নির্বাচনের জন্য নির্ধারিত প্রতিটি ভোট কেন্দ্রে ০৩ অক্টোবর ২০১৯ সকাল ১০:০০টা হতে বিকাল ০৪:০০টা পর্যন্ত মক ভোটিং অনুষ্ঠিত হবে। উক্ত মক ভোটিং অনুষ্ঠানে সকল প্রিজাইডিং অফিসার, সহকারী প্রিজাইডিং অফিসার ও পোলিং অফিসার উপস্থিত থেকে ডেমোনেস্ট্রেশনের জন্য ব্যবহৃত ইভিএম এর সাহায্যে মক ভোটিং সম্পন্ন করবেন। ডেমোনেস্ট্রেশনের জন্য ব্যবহৃত ইভিএমসমূহ সংশ্লিষ্ট ভোট কেন্দ্রে দায়িত্বপ্রাপ্ত ডেমোনেস্ট্রেশনগণ মক ভোটিং এর জন্য প্রস্তুত করবেন। মক ভোটিং শেষে সংশ্লিষ্ট প্রিজাইডিং অফিসার/ ডেমোনেস্ট্রেশন মক ভোটিং এ ব্যবহৃত ইভিএমসমূহ সহকারী রিটার্নিং অফিসার/ উপজেলা নির্বাচন অফিসারকে বুঝিয়ে দিবেন। প্রিজাইডিং অফিসারগণ ভোট গ্রহণের পূর্বের দিন ভোট গ্রহণের জন্য ব্যবহৃতব্য ইভিএমসমূহ, বিভিন্ন কার্ড এবং অন্যান্য আনুষঙ্গিক দ্রব্যাদি রিটার্নিং অফিসার/ সহকারী রিটার্নিং অফিসারের নিকট হতে বুঝে নিয়ে ম্যানুয়ালের নির্দেশনা অনুসারে প্রতিটি ভোট কক্ষে স্থাপন করতঃ নির্বাচন উপযোগী করে বিকাল ০৪:০০ টার মধ্যে কন্ট্রোল রুমকে অবহিত করবেন।

০৯। ভোটারের পরিচয় নিশ্চিতকরণ: (১) কোন ভোটার ভোট প্রদানের জন্য ভোটকক্ষে উপস্থিত হবার পর ভোট প্রদানের পূর্বে সহকারী প্রিজাইডিং অফিসার ভোটার তালিকাসহ কন্ট্রোল ইউনিটে ভোটারের বায়োমেট্রিক ম্যাচিং অথবা স্মার্ট কার্ড অথবা ভোটার নম্বর অথবা জাতীয় পরিচয়পত্রের নম্বর ব্যবহার করে ভোটারের পরিচয় সম্পর্কে নিশ্চিত হবেন।

(২) যেক্ষেত্রে ভোটারের আঞ্জুলের ছাপ ম্যাচিং হবে না সেক্ষেত্রে সংশ্লিষ্ট ভোটারের স্মার্ট কার্ড অথবা ভোটার নম্বর অথবা জাতীয় পরিচয়পত্রের নম্বর ব্যবহার করে ভোটারের পরিচয় সম্পর্কে নিশ্চিত হয়ে সহকারী প্রিজাইডিং অফিসার, নির্বাচন কমিশন কর্তৃক নির্ধারিত হারের ভোটারের জন্য, তার (সহকারী প্রিজাইডিং) আঞ্জুলের ছাপ দিয়ে ইলেক্ট্রনিক ভোটিং মেশিনের মাধ্যমে ভোটপ্রদানের অনুমতি দিতে পারবেন। নির্বাচন কমিশন কর্তৃক নির্ধারিত হার পৃথকভাবে পত্রের মাধ্যমে জানানো হবে।

(৩) এই বিধির অধীন যেসকল ভোটারের আঞ্জুলের ছাপ ম্যাচিং হবে না এবং সহকারী প্রিজাইডিং অফিসার আঞ্জুলের ছাপ দিয়ে ইলেক্ট্রনিক ব্যালট ইস্যু করবেন সেসকল ভোটারের জন্য পৃথক লগ পোলিং কার্ডে সংরক্ষিত হবে।

১০। ভোটের ফলাফল দ্রুত প্রেরণ নিশ্চিতকরণ : ইভিএম ব্যবহারের ক্ষেত্রে প্রত্যেক সহকারী প্রিজাইডিং অফিসার ভোটগ্রহণ শেষে প্রশিক্ষণের সময় প্রদর্শিত ও বিধিতে নির্ধারিত পদ্ধতি অনুসারে ইভিএমসমূহ প্রিজাইডিং অফিসারের নিকট জমা দিবেন।

(১) ইভিএম কর্তৃক প্রাপ্ত ফলাফল হতে প্রিজাইডিং অফিসার তা সংশ্লিষ্ট পদের ভোট গণনার বিবরণীতে (ফরম-১৬) লিপিবদ্ধ করার পর, সেটি ন্যূনতম ০৫ কপি প্রিন্ট করে প্রিজাইডিং অফিসার নিম্নলিখিত কার্যাদি সম্পাদন করবেন;

ক) একজন সহকারী প্রিজাইডিং অফিসারকে মালামালসমূহ সংগ্রহপূর্বক বিধি মোতাবেক ফলাফল প্রকাশের নিমিত্তে দায়িত্ব প্রদান করবেন;

খ) প্রিজাইডিং অফিসার উপস্থিত প্রার্থী, প্রার্থীর নির্বাচনী এজেন্ট এবং পোলিং এজেন্টদের সামনে বিধি মোতাবেক ফলাফল প্রকাশ করার পর নির্ধারিত ফর্ম রিটার্নিং /সহকারী রিটার্নিং অফিসারের নিকট প্রেরণ করবেন;

গ) দ্রুত ফলাফল প্রেরণের জন্য ক্ষেত্র বিশেষে (নেটওয়ার্কের কারিগরী সমস্যা থাকলে) ০১ জন সহকারী প্রিজাইডিং অফিসার/পোলিং অফিসার ভোট কেন্দ্রে বিধি মোতাবেক ফলাফল প্রকাশের সাথে সাথে প্রয়োজনীয় নিরাপত্তার সহিত যানবাহন যোগে সহকারী রিটার্নিং অফিসারের কার্যালয়ে ফলাফল প্রেরণ নিশ্চিত করবেন;

(২) প্রিজাইডিং অফিসার/সহকারী প্রিজাইডিং অফিসারের নিকট হতে রিটার্নিং অফিসার/সহকারী রিটার্নিং অফিসার ফলাফল গ্রহণের সাথে সাথে তা দ্রুত প্রকাশ করবেন। ইভিএম সংশ্লিষ্ট সকল ভোট কেন্দ্রের সার্বিক ফলাফল সন্ধ্যা ০৬:০০ ঘটিকার মধ্যে অবশ্যই প্রকাশ করবেন।

১১। কারিগরী সদস্যদের নিরাপত্তা নিশ্চিতকরণ : মক ভোট পরিচালনা এবং ভোট গ্রহণের দিন কেন্দ্রে অবস্থানরত কারিগরী সহায়তা প্রদানকারী সামরিক বাহিনীর সদস্যগণ নিরস্ত থাকবেন। রিটার্নিং অফিসার/সহকারী রিটার্নিং অফিসার এবং ক্ষেত্রমতে, প্রিজাইডিং অফিসার ভোট কেন্দ্রে অবস্থানকারী আইন শৃঙ্খলা রক্ষাকারী বাহিনী এবং টহল কাজে নিয়োজিত পুলিশ, র‍্যাব, বিজিবির সহায়তায় উক্ত সশস্ত্র বাহিনীর কারিগরী সদস্যগণের যাবতীয় নিরাপত্তা নিশ্চিত করবেন। উক্ত আইন শৃঙ্খলা রক্ষাকারী বাহিনী সমূহের সাথে যোগাযোগ স্থাপনের জন্য সশস্ত্র বাহিনীর কারিগরী সদস্যগণ মোবাইল ফোন বহন করতে পারবেন। উল্লিখিত ব্যবস্থা ছাড়াও যেকোন প্রকার অনাকাঙ্ক্ষিত ঘটনা প্রতিরোধে এবং তাদের নিরাপত্তা বিধান কল্পে সশস্ত্র বাহিনীর সদস্যগণ সর্বশেষ পন্থা হিসেবে নিজস্ব প্রশাসনিক সুবিধাদানকারী সেনা ক্যাম্পের সাথে যোগাযোগ স্থাপন করে প্রয়োজনীয় সকল পদক্ষেপ গ্রহণ করতে পারবেন।

১২। ইভিএম ব্যবহারকারী দায়িত্বপ্রাপ্ত কর্মকর্তাদের দায়িত্ব সংক্রান্ত : জনস্বার্থে ইভিএম বাস্তবায়ন এবং রাষ্ট্রীয় গুরুত্বপূর্ণ কার্য সুনিশ্চিত করার উদ্দেশ্যে নিয়োজিত নিম্নলিখিত ব্যক্তিবর্গের দায়িত্ব উল্লেখ করা হল।

ক) রিটার্নিং অফিসার কর্তৃক গৃহীত পদক্ষেপঃ

(১) সহকারী রিটার্নিং অফিসারকে যানবাহনসহ যাবতীয় লজিস্টিকস সাপোর্ট প্রদান করবেন;

(২) সহকারী প্রিজাইডিং অফিসারের নিকট থেকে RMSএর মাধ্যমে ফলাফল পাওয়া মাত্র তা বার্তাশীট প্রস্তুত করে RMSএ প্রেরণ করবেন;

(৩) কমিশন হতে প্রেরিত কর্মকর্তা / ডাটা এন্ট্রি অপারেটর / টেকনিক্যাল এক্সপার্ট / টেকনিক্যাল সাপোর্ট / সশস্ত্র বাহিনীর সদস্যগণের যানবাহনসহ যাবতীয় লজিস্টিকস সহায়তা প্রদান করবেন;

(৪) তীর অধীনস্থ সকল কেন্দ্রসমূহের উপর নজরদারী করবেন;

খ) সহকারী রিটার্নিং অফিসার কর্তৃক গৃহীত পদক্ষেপঃ

(১) রিটার্নিং অফিসারকে প্রয়োজনীয় সহযোগিতা প্রদান করবেন;

(২) প্রিজাইডিং অফিসারের নিকট হতে ফলাফল পাওয়া মাত্র তা RMS যাচাই করে বার্তাশীট প্রস্তুত করবেন এবং রিটার্নিং অফিসারের নিকট RMS এর মাধ্যমে প্রেরণ নিশ্চিত করবেন;

গ) প্রিজাইডিং অফিসার কর্তৃক গৃহীত পদক্ষেপঃ

(১) প্রিজাইডিং অফিসার প্রদত্ত ইভিএম সমূহের কার্যকারিতা পরীক্ষা করে দেখবেন;

(২) ভোট গ্রহণ শেষে সকল কক্ষের কার্ডসহ কন্ট্রোল ইউনিটসমূহ সহকারী প্রিজাইডিং অফিসারদের সহযোগিতায় ভোট গণনার জন্য নির্ধারিত একটি কক্ষে নিয়ে আসবেন এবং একটি মেশিন হইতে কেন্দ্র ভিত্তিক ফলাফল মুদ্রণ করবেন;

(৩) সহকারী রিটার্নিং অফিসারকে প্রয়োজনীয় সহযোগিতা প্রদান করবেন;

ঘ) সহকারী প্রিজাইডিং অফিসার কর্তৃক গৃহীত পদক্ষেপঃ

(১) প্রতি কক্ষ সমূহে ম্যানুয়েল অনুযায়ী ইভিএম এর মাধ্যমে ভোটগ্রহণ সম্পন্ন করবেন;

(২) ভোট কেন্দ্রের ইভিএম ও সংশ্লিষ্ট মালামাল সমূহ বুকে নিবেন;


(৩) ভোটগ্রহণ শেষে দায়িত্বশীলতার সাথে সঠিকভাবে ইভিএম ও সংশ্লিষ্ট মালামাল সমূহ বুঝিয়ে দিবেন যেন কোনভাবেই মেশিন ক্ষতিগ্রস্ত না হয়;

১৩। **ভোট গণনার বিবরণী প্রস্তুত:** বিধি ১৭ অনুযায়ী প্রিজাইডিং অফিসার বিধি ১৬ এর অধীন ইভিএম হতে মুদ্রিত ফলাফল গণপ্রতিনিধিত্ব আদেশ, ১৯৭২ এর ৩৬ অনুচ্ছেদের দফা (৯) অনুসারে নির্বাচন পরিচালনা বিধিমালা, ২০০৮ এর ফরম-১৬ এ ভোট গণনার বিবরণী প্রস্তুত করবেন এবং উপস্থিত পোলিং এজেন্টদের স্বাক্ষর গ্রহণ করবেন, কেহ স্বাক্ষর প্রদানে অস্বীকৃতি জ্ঞাপন করলে কা লিপিবদ্ধ করবেন। পোলিং এজেন্টদেরকে ভোটগণনার বিবরণীর কপি প্রদান করবেন। ফরম-১৬ (ভোট গণনার বিবরণী) কম্পিউটারে কম্পোজ করে প্রতিদ্বন্দ্বী প্রার্থীর নাম ও প্রতীক উল্লেখ করে স্থানীয়ভাবে প্রস্তুত করে নির্ধারিত সংখ্যক কপি প্রিজাইডিং অফিসারগণকে সরবরাহ করতে হবে। প্রস্তুতকৃত ভোট গণনার বিবরণীর এক কপি প্যাকেট ১৪ এ সিলগালা করে অন্যান্য মালামালের সাথে ব্যাগে ভরে দিবেন।

১৪। **ইভিএম ও নির্বাচনি মালামাল সংরক্ষণ:** ভোট গণনা শেষে ইভিএম সমূহ সংশ্লিষ্ট প্যাকেটে প্রবেশ করিয়ে নির্দেশিকা অনুযায়ী দায়িত্বশীলতার সহিত রিটার্নিং অফিসারকে বুঝিয়ে দিবেন। ব্যবহৃত কার্ডসমূহ সরবরাহকৃত খামে ভরে সিলগালা পূর্বক গানি ব্যাগে প্রবেশ করিয়ে রিটার্নিং অফিসারের নিকট প্রেরণ করতে হবে। এছাড়া ও ব্যবহৃত ভোটার তালিকা প্যাকেট ৭-এ, ভোট গণনার বিবরণী ফরম-১৬ সম্বলিত সকল প্যাকেট এবং অন্যান্য নির্বাচনি সামগ্রী গানি ব্যাগে প্রবেশ করিয়ে সিলগালা পূর্বক রিটার্নিং অফিসারের নিকট জমা দিতে হবে।

১৫। এ পরিপত্রের প্রাপ্তি স্বীকারের জন্য অনুরোধ করা হলো।

সংযুক্ত : বর্ণনা মোতাবেক



(মোঃ আতিয়ার রহমান)

উপসচিব

নির্বাচন পরিচালনা-২ অধিশাখা

ফোন:০২-৫৫০০৭৫২৫

E-mail: sasemc1@gmail.com

প্রাপক :

আঞ্চলিক নির্বাচন কর্মকর্তা, রংপুর

ও

রিটার্নিং অফিসার

নং-১৭.০০.০০০০.০৩৪.৩৭.০১২.১৯-৪০০

তারিখ: ১৫ আশ্বিন ১৪২৬
৩০ সেপ্টেম্বর ২০১৯

অনুলিপি সদয় অবগতি ও প্রয়োজনীয় ব্যবস্থা গ্রহণের জন্য প্রেরণ করা হল (জ্যেষ্ঠতার ভিত্তিতে নহে):

১. মন্ত্রিপরিষদ সচিব, মন্ত্রিপরিষদ বিভাগ, বাংলাদেশ সচিবালয়/মুখ্য সচিব, প্রধানমন্ত্রীর কার্যালয়, তেজগাঁও, ঢাকা
২. গভর্নর, বাংলাদেশ ব্যাংক, মতিঝিল, ঢাকা
৩. সিনিয়র সচিব, (সংশ্লিষ্ট) মন্ত্রণালয়/বিভাগ
৪. প্রিন্সিপাল স্টাফ অফিসার, সশস্ত্র বাহিনী বিভাগ, বাংলাদেশ সেনাবাহিনী, ঢাকা
৫. মহাপুলিশ পরিদর্শক, বাংলাদেশ, পুলিশ হেডকোয়ার্টার্স, ঢাকা
৬. সচিব, (সংশ্লিষ্ট) মন্ত্রণালয়/বিভাগ
৭. মহাপরিচালক, বিজিবি/আনসার ও ভিডিপি/র্যাপিড এ্যাকশন ব্যাটালিয়ন (র্যাব), ঢাকা
৮. অতিরিক্ত সচিব, নির্বাচন কমিশন সচিবালয়, ঢাকা
৯. মহাপরিচালক, জাতীয় পরিচয় নিবন্ধন অনুবিভাগ, নির্বাচন কমিশন সচিবালয়, ঢাকা
১০. বিভাগীয় কমিশনার, রংপুর
১১. উপমহাপুলিশ পরিদর্শক, রংপুর রেঞ্জ
১২. যুগ্মসচিব (সকল), নির্বাচন কমিশন সচিবালয়, ঢাকা
১৩. মহাপরিচালক, নির্বাচনি প্রশিক্ষণ ইনস্টিটিউট, ঢাকা
১৪. মহাব্যবস্থাপক, ক্রেডিট ইনফরমেশন ব্যুরো, বাংলাদেশ ব্যাংক, ঢাকা
১৫. সিস্টেম ম্যানেজার, নির্বাচন কমিশন সচিবালয়, ঢাকা [ওয়েব সাইটে প্রকাশের প্রয়োজনীয় ব্যবস্থা গ্রহণের অনুরোধসহ]

১৬. পরিচালক (জনসংযোগ), নির্বাচন কমিশন সচিবালয়, ঢাকা [এ বিষয়ে একটি সংবাদ বিজ্ঞপ্তি জারি করিবার অনুরোধসহ]
১৭. জেলা প্রশাসক, রংপুর
১৮. পুলিশ সুপার, রংপুর
১৯. উপসচিব (সকল), নির্বাচন কমিশন সচিবালয়, ঢাকা
২০. সিনিয়র জেলা নির্বাচন অফিসার, রংপুর ও সহকারী রিটার্নিং অফিসার
২১. জেলা কমান্ড্যান্ট, আনসার ও ভিডিপি, রংপুর
২২. উপজেলা নির্বাহী অফিসার, রংপুর সদর, রংপুর
২৩. জেলা তথ্য অফিসার, রংপুর
২৪. মাননীয় প্রধান নির্বাচন কমিশনারের একান্ত সচিব, নির্বাচন কমিশন সচিবালয়, ঢাকা (প্রধান নির্বাচন কমিশনার মহোদয়ের সদয় অবগতির জন্য)
২৫. মাননীয় নির্বাচন কমিশনারের একান্ত সচিব, জনাব, নির্বাচন কমিশন সচিবালয়, ঢাকা (নির্বাচন কমিশনার মহোদয়ের সদয় অবগতির জন্য)
২৬. সচিব মহোদয়ের একান্ত সচিব, নির্বাচন কমিশন সচিবালয়, ঢাকা (সচিব মহোদয়ের সদয় অবগতির জন্য)
২৭. সিনিয়র সহকারী সচিব/সহকারী সচিব (সংশ্লিষ্ট), নির্বাচন কমিশন সচিবালয়, ঢাকা
২৮. উপজেলা নির্বাচন অফিসার, রংপুর সদর, রংপুর ও সহকারী রিটার্নিং অফিসার
২৯. ভারপ্রাপ্ত কর্মকর্তা, রংপুর সদর থানা, রংপুর।

(মোহাম্মদ আশফাকুর রহমান)
সহকারী সচিব
নির্বাচন ব্যবস্থাপনা ও সমন্বয়-০১ শাখা
ফোন: ০২-৫৫০০৭৬১০

ফরম-৩

ইভিএম এর কার্যকারিতা সম্পর্কিত সহকারী প্রিজাইডিং অফিসারের প্রত্যয়নপত্র

নির্বাচনী এলাকার নাম ও নম্বরঃ ২১ রংপুর-৩

এই মর্মে প্রত্যয়ন করা যাইতেছে যে,

(ভোট কেন্দ্রের নম্বর ও নাম)

ভোট কেন্দ্রের নম্বর ভোটকক্ষে সরবরাহকৃত ইভিএমটির কার্যকারিতা পরীক্ষা করিয়া সঠিক পাওয়া গিয়াছে।

ক্রমিক নম্বর	পোলিং এজেন্টের নাম	পোলিং এজেন্টের স্বাক্ষর
১	২	৩

স্থান

সহকারী প্রিজাইডিং অফিসারের নাম,
স্বাক্ষর ও সীল (যদি থাকে)

তারিখ দিন মাস বৎসর